

阿毘達磨大毘婆沙論卷第一百一十三

五百大阿羅漢等造
三藏法師玄奘奉 詔譯

業蘊第四中惡行納息第一之二

藍字部分：《發智論卷十一》釋論範圍

三惡行，十不善業道，為三攝十？十攝三耶？…乃至廣說。

問：何故作此論？

答：為欲分別《契經》義故。如《契經》說：「有三惡行、十不善業道。」

《契經》雖作是說，而不廣辯，廣說如前。

復有說者：前已分別三種惡行，而未分別十不善業道，今欲分別，故作斯論。此中…

三惡行，名略事廣；十不善業道，名廣事略。故三惡行攝十不善業道，非十不善業道攝三惡行。以諸惡行，攝業道已，而更有餘。譬如大器覆於小器，而更有餘，是故答：三攝十，非十攝三。不攝者何？謂：除業道所攝身、語、意惡行，餘身、語、意惡行。

何者是餘身、語惡行？謂：①身、語業道-加行、後起，及②《施設論》所說諸業，并③一切遮罪所攝業。

何者是餘意惡行？謂：不善思。

十不善業道									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

今當顯示十不善業道，根本、加行、後起，三種差別。

①彼斷生命，三種者：

謂：若屠羊者，彼先詣羊所…

①若買、若牽、若縛、若打…乃至命未斷，爾時所有不善身、語業，是斷生命-加行。

②若以殺心正斷他命，爾時所有不善身表，及此剎那無表，是斷生命-根本。

③從是以後，即於是處，所有剝皮、斷截支肉、或賣、或食，所起不善身、語、表、無表業，是斷生命-後起。

②不與取，三種者：

謂：初起盜心，往彼彼處…

①圖謀、伺察、攻牆、斷結，取他財寶…乃至舉物未離本處，爾時所有不善身、語業，是不與取-加行。

②若以盜心正取他物，舉離本處，爾時所有不善身表，及此剎那無表，是不與取-根本。

③從是以後，或物主覺…乃至相繫、相害，則以殺生-加行，為偷盜-後起。

若主不覺，分張受用，爾時所起不善身、語、表、無表業，是不與取-後起。

③欲邪行，三種者：

謂：以欲火，所燒逼故…

①若信、若書、若飲食、財寶，以表愛相。彼或摩、或觸，…乃至未和合前，所有不善身、語業，是欲邪行-加行。

②若於爾時，彼此和合，所起不善身表，及此剎那無表，是欲邪行-根本。

此中有說：纔和合時，即成業道。

有說：暢熱惱時，方成業道。

③從是以後，即依此事，所有不善身、語、表、無表業，是欲邪行-後起。

④虛誑語，三種者：

謂：以財利、名譽等故…

①對一有情、或大眾會，矯為明證、覆想而說，…乃至未發所攝受虛誑語言，爾時所有不善身、語業，是虛誑語-加行。

②若正發所攝受虛誑語言，爾時所有不善語表，及此剎那無表，是虛誑語-根本。

③從是以後，即依此事，所起不善身、語表、無表業，是虛誑語-後起。

⑤離間語，三種者：

謂：以財利、名譽等故…

①種種方便，於他親友，破壞、離間，…乃至未發正破壞言，爾時所有不善身、語業，是離間語-加行。

②若以壞意，正發壞言，爾時所有不善語表及此剎那無表，是離間語-根本。

③從是以後，即依此事，所起不善身、語表、無表業，是離間語-後起。

此中有說：若離間語令他沮壞，方成業道。若爾者。破壞聖人應非業道。然離間語壞聖者重。如是說者。但起壞心作離間語。若壞不壞皆成業道。

⑥麁惡語，三種者：

謂：彼本性，多瞋恚故…

①將出語時，先現憤發、身掉、色變、怒目、叱吒，住彼人所，…乃至未發正毀辱言，爾時所有不善身、語業。是麁惡語-加行。

②若至其所，發毀辱言，爾時所有不善語表，及此剎那無表，是麁惡語-根本。

③從是以後，即依此事，所起不善身、語表、無表業，是麁惡語-後起。

此中有說：令彼瞋惱方成業道。若爾者。罵離欲者應非業道。然！麁惡語罵離欲者重。

如是說者：但懷憤恚，發麁惡言。若惱、不惱，悉成業道。

⑦雜穢語，三種者：

調：以財利、恭敬、名譽及戲樂故…

①樂作種種非義、非時、不應法語，或俳優者，欲作愚者，歡笑語時，指顧、跳躍，作諸言笑，…乃至未發彼根本語，爾時所有不善身、語業，是雜穢語-加行。

②若正發起諸無義說、雜戲語時，所有不善語表，及此剎那無表，是雜穢語-根本。

③從是以後，即依此事，所起不善身、語表、無表業，是雜穢語-後起。

其餘⑧貪欲、⑨瞋恚、⑩邪見，意三業道起，即根本，非有加行、後起差別。

有說：亦有加行、後起。調：不善思，此中根本七不善業道諸有表業，及此剎那諸無表業，各具五義：一、惡行。二、犯戒。三、不律儀。四、業。五、業道。

從是已後，諸無表業，各唯有四義：調：除業道（一、惡行。二、犯戒。三、不律儀。四、業。）；唯於思究竟時，名業道故。

問：由幾不善業道，俱生思究竟轉？

答：○於身業自性，三不善業道中…

●或時由一思究竟轉：調：身三業，一一而起。

●或時由二思究竟轉：調：如有一盜他羊等，有是希望即於①盜時，亦②斷其命。
或自行①欲邪行，遣使作②殺、盜，隨一。以欲邪行，唯自所究竟故。

若有如是種類法生，一剎那頃，由二不善業道-俱生思究竟轉。

●或時由三思究竟轉：調：如有一，先遣二使①殺生、②偷盜，自行③欲邪行。

若有如是種種法生，一剎那頃，三皆究竟。爾時三不善業道-俱生思究竟轉。

猶如群賊相期一處，劫掠他時，於剎那頃，有①牽彼車，②有斷彼命，③有姪彼婦。當知爾時，彼諸盜者，有由三不善業道-俱生思究竟轉。

○於語業自性，四不善業道中…

●或時由一思究竟轉：調：語四業，一一而起。

有說：一者，唯雜穢語。

●或時由二思究竟轉：調：作虛誑語-非時，故有雜穢語。
或作離間語-非時，故有雜穢語。
或作麁惡語-非時，故有雜穢語。

●或時由三思究竟轉：調：作虛誑語、離間語-非時，故有雜穢語。
或作虛誑語、麁惡語-非時，故有雜穢語。
或作離間語、麁惡語-非時，故有雜穢語。

●或時由四思究竟轉：調：作虛誑語、離間語、麁惡語-非時，故有雜穢語。

若總論之…

- 或時由五思究竟轉。
- 或…乃至由八思究竟轉：謂：遣六使，作六業道，自行欲邪行。
若有如是種類法生，一剎那頃，七皆究竟，及意三業道，隨一現前。
如是八種業道-俱生思究竟轉。
當知意三，各別現起思究竟轉，無俱生義、無二心故、無遣他故，由此不說或九、或十俱生之義。

問：於何界中，有幾不善業道可得？

答：唯於欲界一切具足可得，或不律儀所攝，或非律儀非不律儀所攝；色、無色界一切都不可得。

十不善業道									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

問：於何趣中，有幾不善業道可得？

答：○捺落迦趣，有後五，非律儀非不律儀所攝。

- ①無斷生命者，由彼無能斷他命故。如說於彼…乃至所有惡不善業，未盡滅吐，定不命終。
- ②無不與取者，由彼無有受財分故。
- ③無欲邪行者，由彼無有攝受妻室故。
- ④無虛誑語及⑤離間語者，無攝受虛誑語事故，常無和合故。
- ⑥有麁惡語者，苦受所逼故。
- ⑦有雜穢語者，非時說故。
- ⑧貪欲、⑨瞋恚、⑩邪見，具有，未離欲故。

十不善業道									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

○傍生、鬼趣，皆具十種，非律儀非不律儀所攝。

十不善業道									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

○人趣三洲，具十不善業道，或不律儀所攝，或非律儀非不律儀所攝。

北拘盧洲，有後四，非律儀非不律儀所攝。

- ①無斷生命者，定壽千歲，無中天故，及性淳善，定升進故。
- ②無不與取者，彼無攝受自、他分故。
- ③無欲邪行者，無攝受妻室故。彼若欲作非梵行時，與彼女人共詣樹下，若所應者，樹枝低覆令彼和合；若不覆者，並愧而離。
- ④無虛誑語者，無有攝受虛誑語事故。
- ⑤無離間語者，由彼有情恒和好故。
- ⑥無麁惡語者，由彼常說軟美言故。
- ⑦有雜穢語者，由彼非時歌詠、戲笑故。
- ⑧貪欲、⑨瞋恚、⑩邪見，具有，未離欲故。

十不善業道（人趣三洲）									
身三			口四				意三		

斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見
十不善業道（北拘盧洲）									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

○欲界天中，具十不善業道，非律儀非不律儀所攝。

十不善業道									
身三			口四				意三		
斷生命	不與取	欲邪行	虛誑語	離間語	麁惡語	雜穢語	貪欲	瞋恚	邪見

問：彼天，為有斷命事不？

答：彼雖不自相害，而害餘趣。

復有說者：亦自相害，故如是說。

①諸天手足隨斷隨生，斬首中截，即便殞沒。

②有不與取，③④⑤⑥…乃至⑦雜穢語者：由彼亦有劫盜他物、侵他所受、作矯妄言、說破壞語、憤恚、罵辱、非時歌詠等故。

⑧貪欲、⑨瞋恚、⑩邪見，具有，未離欲故

問：若盜命過（猶命終）苾芻財物，於誰處得根本業道耶？

答：若已作羯磨者，於羯磨眾處得；若未作羯磨者，普於一切善說法眾處得。

問：若得伏藏物作盜想而自用者，彼於誰處得根本業道？

答：於王處得，大地所有皆屬王故。

復有說者：於其田宅所屬處得，所以者何？彼於此中被稅利故。

如是說者：於王處得。大地所有王為主故，其田宅主唯輸地利，非伏藏利。

問：若取兩國中間伏藏作盜想者，復於誰處得根本業道？

答：若轉輪王出現世時，輪王處得；若無輪王，都無處得。

問：若盜如來宰堵波物，於誰處得根本業道？

有說：亦於國王處得。

有說：於施主處得。

有說：於守護人處得。

有說：於能護彼，天龍、藥叉、非人處得。

如是說者：於佛處得，所以者何？如世尊言：「阿難當知，若我住世，有於我所恭敬供養，及涅槃後…乃至千歲。於我馱都如芥子許恭敬供養。我說若住平等之心。感異熟果平等平等。」由此言故，世尊滅度，雖經千歲，一切世間恭敬、供養，佛皆攝受。

問：若於受學禁戒女人所行不淨行。調：苾芻尼、鄢波斯迦，勤修梵行，及熾然修外道苦行，毀犯彼者，於誰處得根本業道？

或有說者：於彼各別所師處得。

復有說者：於彼同梵行處得。

如是說者：於王處得，彼是國王所防護故。（世間法律）

問：於寄客女人行不淨行，彼於誰處得根本業道？

或有說者：於所寄主人處得。

如是說者：於王處得，彼是國王所防護故。（世間法律）

問：於自貨女行不淨行，於誰處得根本業道？

答：若與其價，都無處得；若不與價，於王處得。

問：於未嫁女行不淨行，於誰處得根本業道？

答：若已許他，於夫處得；若未許他，於其父母諸親處得。

問：若有女人，為其父母、兄弟、姊妹、親族等護，有罰、有礙，是他妻妾，他所攝受…乃至或有贈一花鬘。若於彼所行不淨行，於誰處得根本業道？

答：於能攝護…乃至贈一花鬘處得。

如《施設論》說：「瞻部洲人，形交成姪。東毘提訶、西瞿陀尼、北拘盧洲、四大王眾天、三十三天亦爾；夜摩天相抱成姪；覩史多天執手成姪；樂變化天歡笑成姪；他化自在天相顧眄成姪。」

問：地居所起姪事加行，即是空居根本業道；空居業道有加行不？

答：皆有加行。謂：夜摩天即以執手、歡笑、顧眄為加行；覩史多天即以歡笑、顧眄為加行；樂變化天即以顧眄為加行。（顧眄：回頭看、轉頭看。）

	形交	相抱	執手	歡笑	顧眄
南瞻部洲	根本	加行	加行	加行	加行
東毘提訶	根本	加行	加行	加行	加行
西瞿陀尼	根本	加行	加行	加行	加行
北拘盧洲	根本	加行	加行	加行	加行
四大王眾天	根本	加行	加行	加行	加行
三十三天	根本	加行	加行	加行	加行
夜摩天		根本	加行	加行	加行
覩史多天			根本	加行	加行
樂變化天				根本	加行
他化自在天					根本

問：唯相顧眄成業道處，有加行不？

答：於彼亦有。先對一方，為眄他女。迴顧餘方，未覩加行，見成根本；先坐一宮，為顧他女，起趣餘宮，未覩加行，見成根本。

問：何緣地居形交成姪，空居不爾？

答：①此煩惱麤，彼煩惱細；此煩惱重，彼煩惱輕；此煩惱勤，彼煩惱利。

②又彼諸天境界熾盛、境界明淨、境界勝妙，由如是境界所牽引故，纔觸對時，即令醉悶，是故於彼欲火易息。

復有說者：以上諸天近離欲道，是故於彼欲火漸微。

如是說者：一切姪事，必二形交，欲火方息。

問：若爾！《施設論》說，當云何通？

答：彼說時量（短時間）、遲速差別。謂：夜摩天如相抱時量，欲火便息…乃至他化自在天，如顧眄時量，欲火便息。《施設論》中，但依時量，故作是說。

三妙行，十善業道，為三攝十？十攝三耶？…乃至廣說。

問：何故作此論？

答：為欲分別《契經》義故。如《契經》說：「有三妙行，十善業道。」《契經》雖作是說，而未廣辯，廣說如前。

復有說者：前已分別三種妙行，而未分別十善業道，今欲分別，故作斯論。

此中三妙行，名略事廣；十善業道，名廣事略，故答：三妙行攝十善業道，非十善業道攝三妙行，說喻如前。不攝者何？謂：除業道所攝身、語、意妙行，所餘身、語、意妙行。

此中…

●何等身、語妙行，非業道攝？謂：①身、語業道-加行、後起，及②《施設論》所說諸業，并③離遮罪所攝諸業。

●何等意妙行，非業道攝？謂：善思。

今應顯示十善業道，根本、加行、後起，三種差別。謂：離十不善業道-根本，即十善業道-根本；離不善業道-加行、後起，即善業道-加行、後起。

此復云何？

①猶如勤策受具戒時，先整衣服，入受戒場，頂禮僧足，求親教師，受持衣鉢，往問遮處。來至眾中，重問遮難，白一羯磨…乃至第三羯磨未竟，是名善業道-加行。

②若至第三羯磨究竟，爾時表業及此剎那無表，是名善業道-根本。

③從是以後，為說四依、四重等事，是名善業道-後起。

此中…

①根本七善業道，若表及此剎那無表，各具七義：一、尸羅。二、妙行。三、律儀。四、別解脫。五、別解脫律儀。六、業。七、業道。

②從此已後，諸無表業，各唯有五義：謂：除別解脫及業道。

③已得究竟解脫，諸惡非最初故，亦唯於思究竟時，名業道故。

問：由幾善業道，俱生思究竟轉？

答：○於受八戒及五戒時：

若住五識善心，由六善業道-俱生思究竟轉。

若住意識善心，由七善業道-俱生思究竟轉。

若住染污心或無記心，由四善業道-俱生思究竟轉。

受十戒時，亦爾。

○受具戒時：

若住五識善心，由九善業道-俱生思究竟轉。

若住意識善心，由十、或九善業道-俱生思究竟轉。

若住染污心、或無記心、或無心時，由七善業道-俱生思究竟轉。

○受非律儀、非不律儀時：

身、語七善業道，隨所要期，多少不定。

意三善業道，或有、或無、或多、或少。

○生欲界者：

若起欲界-五識善心，由二善業道-俱生思究竟轉。

若起欲界-意識善心，由三善業道-俱生思究竟轉。

若起色界-善心及彼地-無漏正見俱生心，由十善業道-俱生思究竟轉。

若起彼地-盡智、無生智俱生心，由九善業道-俱生思究竟轉。

若起無色界-善心及彼地無漏正見俱生心，由三善業道-俱生思究竟轉。

若起彼地-盡智、無生智俱生心，由二善業道-俱生思究竟轉。

○生初靜慮者：

若起三識-善心，由二善業道-俱生思究竟轉。

若起自地-意識不定善心，由三善業道-俱生思究竟轉。

若起自地-意識有漏定心，及自地無漏正見俱生心，由十善業道-俱生思究竟轉。

若起自地-盡智、無生智俱生心，由九善業道-俱生思究竟轉。

若起第二、第三、第四靜慮-善心及彼地-無漏正見俱生心，由十善業道-俱生思究竟轉。

若起彼地-盡智、無生智俱生心，由九善業道-俱生思究竟轉。

若起無色界-善心及彼地-無漏正見俱生心，由三善業道-俱生思究竟轉。

若起彼地-盡智、無生智俱生心，由二善業道-俱生思究竟轉。

如生初靜慮，如是生第二靜慮…乃至生無色界，皆應廣說。

差別者：除三識身，生無色界，亦除前七業道。

問：於何界、何趣，有幾善業道可得？

答：欲界，具十，或律儀、或非律儀、非不律儀所攝。

色界，亦具十，皆律儀所攝。

無色界中，成就有十，現前唯三。

於諸趣中：

那落迦，有後三。

傍生、鬼趣，具十，皆非律儀非不律儀所攝。

人趣三洲及欲界天，皆具有十，或律儀、或非律儀非不律儀所攝。

北拘盧洲，唯有後三，皆非律儀非不律儀所攝。

色、無色天，如前已說。

三業、十業道，為三攝十？十攝三耶？…乃至廣說。

問：何故作此論？

答：為欲分別《契經》義故。如《契經》說：「有三業、十業道。」《契經》雖作是說，而未廣辯，廣說如前。

復有說者：欲顯業趣，最甚深、最微細、難見、難覺故。所以者何？一切如來所說經中，無有甚深如業經者；十二轉中，無有甚深如業轉者；佛十力中，無有甚深如業力者；於八蘊中，無有甚深如業蘊者；四不思議中，無有甚深如業不思議者。由是緣故，世尊一時極善安住，慇懃作意，攝心思惟，入閑靜處，默然宴坐，審諦觀察：「摩揭陀國諸輔佐臣，為在何趣？為受何生？為往何處？」由此作意，方能了知：「彼諸臣等，在如是趣、受如是生、往如是處。」

問：諸佛法爾纔舉心時，於一切法殊勝智見，無障礙轉，為何義故，極善安住、慇懃作意，廣說…乃至默然而坐？

或有說者：為顯業趣，最甚深故、最微細故、最難見故、最難覺故。

復有說者：為審觀察摩揭陀國諸輔佐臣，種種因性、種種果性、種種相續性、種種對治性，及命終心、續生心等，由此觀察，如應悉知。

復次，世尊為欲委知彼諸臣等生處差別，故極作意。

復有說者：為待當來所化生故，有所化生，應聞說法，作饒益事，於此眾中，猶未集會。

復有說者：為待辰那栗連婆故，彼是先世頻毘婆羅，於此眾中，猶未集會。

復有說者：欲令阿難生尊重意，慇懃恭敬，無倒受持，思量觀察。

復有說者：為欲除斷諸邪慢人，憍傲心故。謂：有於法，少分知己，便生憍慢，而不修學，為除彼意，顯佛世尊不由加行，於一切法殊勝智見，無障礙轉，尚於一切問、記事中，慇懃觀察，況於汝小智，而當不學，生憍慢耶？

復有說者：欲顯成就正士法故，諸有正士法爾皆應善思所思、善說所說、善作所作。

復有說者：世尊一時入閑靜處，默然宴坐。尊者阿難請問斯事，世尊未答，便入寂定，從定起已，乃為記別。由是因緣，故作斯論。

復有說者：由三因緣，所以作論：一、為分別《契經》義故。二、為遮止他所說故。三、為顯了世間現見所行事故。

①為分別《契經》義者→謂：《契經》說：業有二種。一、思業。二、思所起業。彼所說業，今欲廣釋，是名分別《契經》義。

②為遮止他所說者。如…

- 勝論外道說：五種業，謂：取、捨、屈、申、行，為第五業。
- 數論外道說：九種業，謂：取、捨、屈、申、舉、下、開、閉、行，為第九業。
- 或有外道說：十二處皆是業性。彼作是言：「眼作何業？謂：見色；色作何業？謂：眼所行，廣說…乃至意作何業？謂：能知法；法作何業？謂：意所行。」欲止如是邪宗所立，顯示～無倒諸業自性。
- 又譬喻者說：身、語、意業，皆是一思。為遮彼意，顯～除思體，別有身、語二業自性。
- 又分別說部：建立貪欲、瞋恚、邪見，是業自性。彼何故作是說依《契經》故？如《契經》說：「故思所造身三種業，已作、已集，是惡不善，能生眾苦，感苦異熟；故思所造語四種業、意三種業，已作、已集，是惡不善，能生眾苦，感苦異熟。」意三業者→謂：貪、恚、邪見。由此經故說：「貪等三，是業自性。」為遮彼意，顯～貪欲等，非業自性，故作斯論。問：若貪欲等，非業性者，分別說部所引經，云何通？答：是業資糧，故說名業。如薄伽梵處處經中說「彼資糧，名為彼法。」如前廣說「樂資糧等，名為樂等。」此中亦爾。於業資糧，說名為業。

尊者法救作如是說：此中世尊唯攝其業，就所依處顯示業性，故作是說。謂：若依此階梯殊勝思究竟轉，則於此處宣說業名，如是一切名為遮止他所說故。

- ③為顯了世間現見所行事者→謂：諸世間，於其業果，立業名想。如見彩畫、錦繡等物，說言如是奇巧作業。此實非業，但是業果，是名顯了世間現見所行事故。由此三緣，故作斯論。

●三業者，謂：身業、語業、意業。

問：此三業云何建立？為自性故、為所依故、為等起故。

若自性者，應唯一業，所謂：語業，語即業故。

若所依者，應一切業皆名身業，以三種業皆依身故。

若等起者，應一切業皆名意業，以三皆是意等起故。

答：具由三緣，建立三業：一、自性故，建立語業。二、所依故，建立身業。三、等起故，建立意業。

復有說者：由三緣故，建立三業：一、依自處故。二、依他處故。三、依相應處故。

依自處故，建立語業；依他處故，建立身業；依相應處，故建立意業，如是名為三業自性。

已說自性，所以今當說。

問：何故名業？業有何義？

答：由三義故，說名為業：一、作用故。二、持法式故。三、分別果故。

①作用故者→謂：即作用，說名為業。

②持法式者→謂：能任持七眾法式。

③分別果者→謂：能分別愛、非愛果。

問：若爾者，彼俱有、相應法，亦能分別愛、非愛果，悉名業耶？

答：此中唯說勝者名業。此三種業，於諸俱有、相應法中，最為勝故。譬如世間於種種勝處，得種種名，此亦如是。

如世間說：「樂師作樂。」此中非無樂具、樂器及樂人等，但於其中樂師最勝，故得其名。

又如書者，非無種種紙、墨、筆等，及勤方便和合成字，然隨最勝，人得其名；染者、鍛者，喻亦如是，今此亦然，雖有種種自性、俱有及相應法，一切皆能感異熟果，然！於其中，能分別果，業為最勝，是故偏說。

復有說者：由三義故，說名為業：一、有作用故。二、有行動故。三、有造作故。

有作用者→即是語業，如是評論「我當如是如是所作。」

有行動者→即是身業，雖實無動，如往餘方。

有造作者→即是意業，造作前二。

由此義故，說名為業。

● **十業道者**，謂：身三業道、語四業道、意三業道。

問：十善業道、十不善業道，豈不合說有二十耶？何故此中但說有十？

答：不過十故。謂：**依惡行所依止處**，**發起**十種不善業道；即**依此處**，由遠離故，即能**發起**十善業道。

復有說者：略說十種，廣說二十。如略、廣如是，無差別、差別，總、別，遍、不遍，無異、有異，俱時、次第，應知亦爾。

復有說者：隨利根者，故說有十；隨鈍根者，故說二十。如利根、鈍根如是，因力、緣力，內力、外力，內如理作意所任持力、外他言音多修習力，略開智力、廣辯智力，應知亦爾，是名**十業道-自性**。

已說自性，所以今當說。

問：何故名業道？業道有何義？

答：思名為業。思所遊履，究竟而轉，名為業道。

問：若思名業，思所遊履究竟而轉，名業道者，餘善、不善、一切無記，無不皆為思所遊履究竟而轉，一切皆應說名業道，有何殊勝不共因緣？唯說此十，以為業道？

答：此是世尊有餘之說，大師觀彼所化有情，心行願樂，簡略而說。

脇尊者曰：唯佛世尊究竟了達諸法性、相，亦知勢用，非餘所知。若法有**業道相**者，即便立之；無者不立。

尊者妙音亦作是說：大師知此十種業道，有如是勢用、如是強盛、如是親近，能與業思作所行路，令究竟轉，除此業道，餘一切法無如是事。

復有說者：由二因緣，建立業道：一、世所訶毀。二、世所稱歎。即是**十種不善業道及善業道**。

問：若世所訶毀，名業道者，是則惡心出佛身血，一切世間皆共訶毀，何故不說以為業道？

答：若世所訶毀，如來出世及不出世，一切時有者，立為**業道**；出佛身血，有佛世有，無佛世無，故**不立業道**。於稱歎中，遠離出血所有問、答，應知亦爾。

復有說者：由三因緣，建立業道：一、由依處。二、由施設。三、由分別愛、非愛果。

復有說者：若由此故，令內、外物，有時衰損、有時增盛，建立業道。當知此中所居為外，壽等為內。

云何由此外物衰損？

謂：斷生命業道增時，一切外物皆少光澤，不久堅住。

若不與取業道增時，一切外物有災、有患，多遭霜、雹、塵、穢等障。

若欲邪行業道增時，一切外物多有怨競。

若虛誑語業道增時，一切外物多諸臭穢。

若離間語業道增時，一切外物多不平正，丘陵、坑坎、嶮阻、懸隔。
若麤惡語業道增時，一切外物麤弊、鄙惡、毒刺、沙礫，設有金銀等寶，少而無光，不調難用。
若雜穢語業道增時，一切外物時候乖變，速疾磨滅，多不成實。
若貪欲業道增時，一切外物多分損減，微細甚少。
若瞋恚業道增時，一切外物多分枯悴，果實苦澁。
若邪見業道增時，一切外物多分零落，乏少花果，或全無果。
是名由此，令外物減。

云何復知由此業道故，令壽量等，內物減耶？

調：若十不善業道具增長時，此瞻部洲，有四衰損出現於世：

調：①壽量衰損。②有情衰損。③資具衰損。④善品衰損。

壽量衰損者→調：劫初時，此瞻部洲人，壽無量歲；至劫末時，人壽十歲。

有情衰損者→調：劫初時，此瞻部洲廣博嚴淨，多諸淳善，福德有情，城邑次比，人民充滿；至劫末時，唯餘萬人。

資具衰損者→調：劫初時，此瞻部洲，安隱豐樂，種種地味，帝竹稻米，為上妙食；至劫末時，人民飢饉，唯稗稊等為上妙食。

善品衰損者→調：劫初時，此瞻部洲，十善業道增上圓滿；於劫減時，十惡業道增上圓滿。

云何由此，令諸外物，有時增耶？

調：若離斷生命業道增時，一切外物悉多光澤，長時堅住。

離不與取業道增時，一切外物不為災患、霜雹等障之所侵損。

離欲邪行業道增時，一切外物無諸怨競。

離虛誑語業道增時，一切外物皆多香潔。

離離間語業道增時，一切外物嚴好易求、地平如掌、廣博嚴淨。

離麤惡語業道增時，一切外物微妙、豐饒，無有嶮澁、毒刺、沙礫，金、銀等寶，調柔光淨，多所堪任。

離雜穢語業道增時，一切外物，時無乖變、堅固成實。

無貪業道增時，外物充足，圓滿增盛。

無瞋業道增時，外物光澤，果實甘美。

正見業道增時，外物豐饒，花果繁實。

是名由此，令外物增。

云何復知由此業故，令壽量等，內物增耶？

調：若十善業道具增長時，此瞻部洲，有四增盛出現於世。調：

①壽量增盛。②有情增盛。③資具增盛。④善品增盛。

壽量增盛者→調：劫末時，此瞻部洲，人壽十歲；至劫增時，壽八萬歲。

有情增盛者→調：劫末時，此瞻部洲，唯餘萬人；至劫增時，廣博嚴淨，多諸淳善，福德有情，城邑次比，人民充滿。

資具增盛者→調：劫末時，此瞻部洲，人民飢饉，以稊稗等，為上妙食；至劫增時，安隱豐樂，種種地味，帝竹稻米，為上妙食。

善品增盛者→調：劫末時，世間十惡業道增盛；至劫增時，世間十善業道增盛。

復有說者：由三果故，立十業道：一、異熟果。二、等流果。三、增上果。

❶調斷生命：

若習、若修、若多修習，生那落迦、傍生、鬼趣，是異熟果。

從彼處沒，來生人中，多病短命，是等流果。

彼增上故，所感外物皆少光澤，不久堅住，是增上果。

❷諸不與取：

若習、若修、若多修習，生那落迦、傍生、鬼趣，是異熟果。

從彼處沒，來生人中，財寶匱乏，是等流果。

彼增上故，所感外物，有災、有患，多遭霜、雹、塵、穢等障，是增上果。

❸諸欲邪行：

若習、若修、若多修習，生那落迦、傍生、鬼趣，是異熟果。

從彼處沒，來生人中，妻不貞良，是等流果。

彼增上故，所感外物，多有怨競，是增上果。

❹諸虛誑語：

若習、若修、若多修習，生那落迦、傍生、鬼趣，是異熟果。

從彼處沒，來生人中，多遭誹謗，是等流果。

彼增上故，所感外物，多諸臭穢，是增上果。

❺諸離間語：

若習、若修、若多修習，生那落迦、傍生、鬼趣，是異熟果。

從彼處沒，來生人中，親友乖離，是等流果。

彼增上故，所感外物，多不平正，丘陵、坑坎、嶮阻、懸隔，是增上果。

❻諸麁惡語：

若習、若修、若多修習，生那落迦、傍生、鬼趣，是異熟果。

從彼處沒，來生人中，恒聞種種不如意聲，是等流果。

彼增上故，所感外物，麁弊、鄙惡、毒刺、沙礫，雖有金等，少而無光，不調難用，是增上果。

❼諸雜穢語：

若習、若修、若多修習，生那落迦、傍生、鬼趣，是異熟果。

從彼處沒，來生人中，言不威肅，是等流果。

彼增上故，所感外物，時候乖變，速疾磨滅，多不成實，是增上果。

❽諸有貪欲：

若習、若修、若多修習，生那落迦、傍生、鬼趣，是異熟果。

從彼處沒，來生人中，貪欲猛利，是等流果。

彼增上故，所感外物，多分損減，微細甚少，是增上果。

⑨諸有瞋恚：

若習、若修、若多修習，生那落迦、傍生、鬼趣，是異熟果。

從彼處沒，來生人中，瞋恚猛利，是等流果。

彼增上故，所感外物，多分枯悴，果實苦澁，是增上果。

⑩諸有邪見：

若習、若修、若多修習，生那落迦、傍生、鬼趣，是異熟果。

從彼處沒，來生人中，愚癡猛利，是等流果。

彼增上故，所感外物，多分零落，乏少花果，或全無果，是增上果。

離斷生命：

若習、若修、若多修習，生人天趣，是異熟果。

從彼處沒，來生此間，無病長壽，是等流果。

彼增上故，所感外物，皆多光澤，長時堅住，是增上果。

由此道理，其餘白品九善業道，與上相違，皆應廣說。

故由三果，立十業道。

問：何故不說思為業道？

答：思即是業，思所行故，名為業道。當知業道非即是思，是故不說。如王所行說名王路，而王路非王，此亦如是。思所行故，說名業道，而業道非思，王座等喻，亦復如是。

復有說者：若法與思，譬如三事，和合而生，有作用轉，立為業道。

思不與思，譬如三事，和合而生，有作用轉，故非業道。

復有說者：若法與思，俱時而生，有作用轉，立為業道。

思不與思，俱時而生，有作用轉，不立業道。

復有說者：若法與思，同在現在，與思為路，立為業道。

思不與思，同在現在，與思為路，不立業道。

問：若遭他斷生命…乃至作雜穢語。彼使，或經多日，乃作時遭他者，思滅已久，云何得名與思，同在現在為路，令思究竟立業道耶？

答：就可得義，建立業道。謂：若餘法可得與思，同時為路，故立業道。非一剎那二思可得現在為路，是故不立思為業道。

問：思亦與思，同在現在。謂：他相續思，何故不說？

答：依自相續建立業道，不依他立。

已說三業、十業道自性，今當顯示雜、無雜相。

三業、十業道，為三攝十？十攝三耶？

答：應作四句。

①有業，非業道。謂：業道所不攝身、語業及意業全（謂：意業，及業道所不攝身、語業。）。

②有業道，非業。謂：後三業道。

③有業，亦業道。謂：前七業道。

④有非業，非業道。謂：除前相。相，謂：所名，如前廣說。謂：色蘊中，除業取餘色蘊；行蘊中，除不善貪、瞋、邪見及無貪、無瞋、正見，并一切思取餘相應、不相應行蘊，及三蘊全，并無為法。如是一切作第四句，故言「調：除前相。」

問：十業道中，何故前七建立業及業道？後三唯業道，非業耶？

答：如《施設論》說：

「●諸斷生命，是業、是作用；與能發起斷生命思，為因、為道、為跡、為路，廣說…

…乃至

諸雜穢語，是業、是作用。與能發起雜穢語思。為因為道為跡為路。

所有不善貪、恚、邪見，非業、非作用，唯與即彼俱生品思，為因、為道、為跡、為路。

●離斷生命，是業、是作用，與能發起離斷生命思，為因、為道、為跡、為路，廣說…

…乃至。

離雜穢語，是業、是作用，與能發起離雜穢語思，為因、為道、為跡、為路。

所有無貪、無瞋、正見，非業、非作用，唯與即彼俱生品思，為因、為道、為跡、為路。」

由此證知，彼義應爾。